

“I QUIZ UNIVERSALI”
“Che cosa è una “vita da precario”?”

'O PRECARIO

Chesta vita da precario
veramente è 'na schifezza,
nun te sient' necessario.
quasi comm' ...'na munnezza.

'A fatica dura poco,
senza 'na tranquillità,
se va 'nnanz' senza scopo,
sulamente pe' campa';

'o lavoro è 'na tortura,
senza 'na soddisfazione,
nun 'o lass' p' 'a paura
e truvà.... n' ato bidone.

E accussì passano 'e juorne,
'a malincunia te piglia,
nun te guard' manco attuorno
pe' formarti n' 'a famiglia;

pe' cerca' 'na cumpagnia
l'entusiasmo nun te vene,
e te manca 'a fantasia
pe' fa' nu progetto 'nsieme.

Che ce stà 'a progetta'
si 'o stipendio n' è sicuro ?
Vaje sulo 'a ccà e a 'llà
finchè sbatt' 'nfronte 'o muro;

e accussì 'a gioventù
passa comm' a nu sfottò,
essa nun ritorna cchiù,
te fai vecchio primm' 'e mò.

E chi t'usa pe' 'nu poco
nun rispetta 'e persone,
se diverte cu 'stu gioco
pe' pruva' 'a soddisfazione

'e sfrutta' 'stu poveriello
senza 'na vera ragione,
pecchè tene int' 'o cerviello
l'arroganza ... d' 'o padrone

è l'egoismo che le dice
comm' fa' pe' s' abbuffa',
ma 'o precario 'o maledice
si continua a prufitta'.

E I PECCATI SI SCONTANO !!

Gambizzato, 2007